

試士居首儒生睦天任賜第○壬午夜自一更至四更艮方巽方坤方有氣如

火光○癸未夜一更至五更艮方巽方坤方有氣如火光○以李敏英為承旨

魚有龍為獻納徐宗伋為正言申哲為校理李重協為副修撰○甲申 命下

冬至使賚來自銀匹綬于戶曹○乙酉卯時日有左珥午時日暉兩珥暉上有

冠暉下有履色皆內赤外青白虹貫日未時申時日暉酉時日暉兩珥暉上有

冠冠上有背色皆內赤外青夜一更二更巽方有氣如火光○丙戌以李禎翊

為承旨金濟謙為校理徐宗燮為修撰○領議政金昌集累疏辭職且以虹變

引咎乞免 上賜以溫批命史官與之偕來虹貫之變出於初元之年而上下

恬然殆有不足畏之意喉司陳戒之例 啓亦公然廢闕時闡葺布位百度叢

脞天灾時變必有所召而 上無所振淬一切為姑息之政朝野泄沓焉○上

引見大臣備局諸宰左議政李健命奏曰端川移鎮之後府使則以為本府新

設軍制各樣軍丁當得三千六百名可成貌樣而軍丁不足欲以儒品儒生充

定成數則紛紜呼訴離散可慮而監司尹憲柱則謂當一依咸興例定式南兵

營所屬親騎衛戶保外假率等諸般色目元非編伍之軍不過略收米布以補

營需今若以諸般色目沒數還給本府以充軍額則民丁似有支保之道本府